



Iulai2024

Fa'atalofa ma fa'afeiloai atu ile Paia ma le Mamalu ole au Faitau i leni Masina o Iulai 2024. O se fa'asoa mo tatou i lene masina ua ou aumaia ai le **Tausamiga ole Penetekoso** e pei ona fa'amanatuina e le Ekalesia Katoliko.

I tu ma aga faa-Kerisiano, o le Penetekoso o le faamanatuina lea o le Afio ifo o le Agaga Paia i luga o le Au Aposetolo, Maria, ma uluai so'o o Iesu ina ua mavae le Fa'asatauroina, le Toetu ma lona toe Afio A'e (Galuega ale Au Aposetolo, mataupu e 2), ma ua fa'ailogaina ai le amataga o le misiona a le Ekalesia Kerisiano i le lalolagi. E masani ona fa'amanatuina ile 50 aso talu ona mavae le toetu o Iesu ma le 10 aso talu ona Afio a'e o ia i le lagi. Talu ai o le Eseta o se taumafataga fe'avea'i e aunoa ma se aso faatulagaina, ma e faalagolago le Tausamiga ole Penetekoso i le taimi o le Eseta, e mafai ona pa'u i so'o se aso i le va o Me aso 10 ma Iuni aso 13.

O le Tausamiga ole Penetekoso, e fa'amanatu ai foi le fa'amaufa'ailogaina ole Feagaiga Tuai i luga ole Mauga o Sinai, ina ua fa'aali atu e le Alii le Tusi o Tulafono (Torah) ia Mose. O tausaga uma lava, e fa'afouina ai e tagata lutaia lo latou taliaina o leni mea'alofa ole Tusi o Tulafono.

O le mea autu na tupu i le Penetekoso (le agi malosi o le matagi ma laulaufaiva afi) o loo faia i le tusi a Galuega 2:13, e ui o mea na tutupu i le taimi lava na soso'o ai (le lauga a Peteru, le papatisoga o le faitau afe) e faa'auau pea i le fuaiupu 41.

Na faatumulia le potu na fa'apotopoto ai i latou i se matagi "malosi tele," ma na o'o ifo ai laulaufaiva afi i luga o o latou ao, ma mafai ai ona latou tautatala i gagana esese ina ia malamalama ai le tasi i le isi. O se mea uiga ese lea na manatu ai nisi ua na o le onanā le au Kerisiano ae na fa'aailoa mai e Peteru ua na o le taeao, ma e mafua mai i le Agaga Paia.

Na tu'uina atu foi e le Agaga Paia i le au aposetolo isi mea'alofa ma fua e tatau ai mo le fa'ataunuuina o le tofiga sili - ina ia o atu ma folafola atu le Talalelei i nuu uma. Ua fa'ataunuuina ai le folafolaga o le Feagaiga Fou mai ia Keriso (Luka 24:46-49) o le a "fa'aofuina le Au Aposetolo i le mana" a o lei auina atu i latou e folafola atu le Talalelei.

O le taimi tonu lava ina ua mavae le Penetekoso, na folafola atu ai e Peteru, na musuia e le Agaga Paia, lana uluai lauga i tagata lutaia ma isi tagata le talitonu, lea na ia tatalaina ai tusitusiga paia o le Feagaiga Tuai, ma faa'alia ai le ala na valoia ai e le perofeta o Ioelu mea e tutupu ma le Afio mai o le Agaga Paia i le Penetekoso.

Sa ia ta'u atu foi i tagata o Iesu na latou fa'asatauroina o le Alii lea, na toetu mai le oti, lea na "tuia ai o latou loto." Ina ua latou fesili atu po'o le a le mea e tatau ona latou faia, sa apoapoai atu Peteru ia i latou ia salamo ia latou agasala ma ia papatisoina..

### **O se feso'otaiga ole Tausamiga ole Penetekoso ma Mataupu po'o Talitonuga Fa'avae a le Ekalesia Katoliko (Catechism of the Catholic Church, CCC)**

O nisi o tusitusiga mai Mataupu po'o Talitonuga Fa'avae a le Ekalesia Katoliko (CCC) o lo'o fa'asino ma taulimaina ai autu o lo'o maua i faitauga fa'ale aoaoga. O le mea lea e taa'u ai lo tatou faitau fa'atasi ma le Katesimo (Catechism) ina ia mafai ai ona tatou tuputupu ma loloto atili ai lo tatou malamalama'aga i lo tatou fa'atuatua.

CCC # 846:

"I FAFO ATU O LE EKALESLIA e leai se olataga". E faapefea ona tatou malamalama i leni faamautinoaga, e masani ona toe faia e Tama o le Ekalesia<sup>335</sup>. Toe fa'atulagaina ma le lelei, o lona uiga o le fa'aolataga uma e sau mai ia Keriso le fa'auluuluga e ala i le Ekalesia o lona Tino lea:

O le fa'avaeina o ia Tusitusiga Paia ma Tu ma Aga Masani, ua a'oa'o mai ai e fa'apea o le Ekalesia, e manaomia mo le fa'aolataga. O Keriso e toatasi o le puluvaga ma le ala o le fa'aolataga; o lo'o Afio ia i tatou o le Ekalesia. Sa ia tautino manino mai le manaomia o le fa'atuatua ma le Papatisoga, ma sa ia fa'amautuina ai le manaomia e le Ekalesia le ulufale atu i le faitotoa e ala ile Sakalameta ole Papatisoga<sup>336</sup>.

CCC # 847:

O leni FA'AMAUMAUGA e le fa'asino atu ia i latou o e, e ala i le leai o se sesē o i latou lava, e le iloa Keriso ma lana Ekalesia: O i latou o e, e ala i le leai o se sesē o i latou lava, e lē iloa le Talalelei a Keriso po'o lana Ekalesia, ae ui i lea, e saili le Atua ma se loto fa'amaoni, ma, u'unaia e le alofa tunoa, taumafai ia latou amioga e fai lona finagalo e pei ona latou iloa e ala i fa'atonuga a o latou lotofuatiaifo - e mafai foi e i latou ona ausia le fa'aolataga e fa'avavau<sup>337</sup>.

CCC # 848:

"E ui lava e mafai e le Atua ona taitaiina i latou, e ala i le leai o se sesē o i latou lava, e lē iloa le Talalelei, i lena fa'atuatua lea e le mafai ona fa'afiafiaina ai o ia, ae o lo'o iai pea i le Ekalesia le matafaioi ma le aiā tatau paia foi e fa'aevagelia ai tagata uma."<sup>338</sup>

Telesia Alaimoana

335 Cf. Cyprian, Ep. 73.21:PL 3,1169; De unit.:PL 4,509-536

336 LG 14; cf. Mk 16:16; Jn 3:5

337 LG 16; cf. DS 3866-3872

338 AG 7; cf. Heb 11:6; 1 Cor 9:16

## Akiepikopo Paul Martin



O Le Toe Tatalaina o le malumalu fa'atasi ai ma le fa'ai'uga o le vaiaso o fiafiaga.

E tolu aso o fiafiaga sa fa'aailoga ai le umi ona – fa'atalitali le toe tatalaina o le Malumalu ale Finagalo Pa'ia i Ueligitone sa fa'ataunu'uina i le aso Faraile 7, Aso To'ona'i 8 ma le aso Sa 9 Iuni, 2024.

Na saunoa lana afioga ia Akiepikopo Paul Martin e fa'apea, "Ou te iloaina o le a fiafia tagata pe a latou va'aia le galuega sa faia ma mo tatou o le a mafai ona toe fo'i mai i le aiga i le Tinā o Malumalu a le tatou Pule'aga e to'atele sa fa'atalitali mo lea aso.

O le malumalu sa tapunia mo ni nai tausaga mo le toe fa'amalosia ma toe fa'afouina. O lenei galuega ua lata i lona taunu'uga, faia le malumalu e lē gata e saogalemū ma fesoasaoni i ai o se nofoaga o le lālelei ma le fa'aaloalo fa'apea o se nofoaga mo fa'apotopotoga mo faiga tapua'iga.

O le patipatia o le toe tatalaina i le aso Faraile 7 o Iuni fa'atasi ai ma le Misasa i le afiafi o le Fa'afe-taimolia i le 7.30 i le afiafi, i le taimi lava lenā na toe fa'afo'i atu ai le nofoa a epikopo (Cathedra) i lona nofoaga masani, ma faitoto'a a le malumalu o le a toe tatalaina.

I le aso To'ona'i aso 8 Iuni sa faia ai le Misasa i le taeao i le 8:30, mulimuli mai ai le aso o Tapua'iga. O palisi, kapelanisia ma kulupu sa vala'auliaina e ta'ita'ia se itula o Tapua'iga i taimi o le aso. I le 5.00pm sa faia ai le patipatia Fa'aekumene o Tatalo o le Afiafi.

I le aso Sa 9 Iuni sa patipatia ai e le Palisi a le Malumalu i le 10.00am se Misasa o se "toe fo'i mai" mulimuli mai ai ma se fa'amalosi tino. O matamataga i le Malumalu sa faia lea i le aoauli o le aso Sa. O le Misasa i le 7 i le afiafi na aumai ai le patipatia o le Malumalu i lona fa'ai'uga.

O Debbie Matheson, le Ta'ita'i Fa'alafu Lemū a le Palisi ale Epikopo sa avea ma se tasi o le kulupu sa ta'ita'ia le toe fa'afouina o le malumalu talu ona tapunia i le 2018 ma amata ai le galuega i le 2018. Sa fai mai o ia ua mauaina e le palisi se mafutaga, maufetu'una'i ma se fa'asinomaga malosi. 'Ou te talitonu o fa'amanuiaga va'aia ia ale 'fa'aunu'ua' a le nu'u palisi mo le ono tausaga i fafo atu o le malumalu. O suiga atoatoa uma i le malumalu ua aumai ai ni fiafiaga fa'aopoopo mo le toe fo'i i faiga o tapua'iga ma 'au'aunaga iā tatou fa'apotopotoga tu'utō i auala fou.

Na saunoa mai le faife'au Palisi o Patrick Bridgman, 'O se taimi fiafia tele mo le pule'aga ma le palisi a o tatou uma ua toe fo'i i le aiga i le Malumalu a le Finagalo Pa'ia. O se va'aiga matagofie tele. E to'atele tagata sa a'afia i le toe mafai ona toe fa'aogaina le Malumalu mo faiga taulaga ma tapua'iga i le Atua. O se palisi ola ma le ofoofogia ma le a'afia le palisi a Finagalo Pa'ia a Thorndon, fa'atasi ai ma tagata uma ua sauni e fa'aulufale mai latou uma o le a o mai!'

Akiepikopo Paulo Martin

## Aso Sa Sefulufa o le Tausaga

A tatou faitauina lenei evagelia e lūlū o tatou ulu i le inoino ma le maofa po o le a lea fa'apopotoga o tagata a Nasareta ua liliu atu o latou tua iā Iesu. Ae afai tatou te faia lenei, ua misia iā i tatou le uiga tonu o le tala a le evagelia. Ua tatou le va'aia o aso ta'itasi ua agasala i tatou i le faia o lenei ituaiga o gaiioiga. Ua tatou fa'ata'ita'i i tagata a Nasareta pe a liliu atu o tatou tua i perofeta fa'alotoifale o latou ia o le afio ai o le Atua i o tatou li'o. O le leai o se fa'atuatua o le fa'atapula'aina fo'i lea o a latou 'au'aunaga. O le fa'afitauli e uiga i le Atua ma Nasareta ona ua sau le Atua i Nasareta i le va'aiga o se tasi lea sosaiete, se tasi o le nu'u, ma e le'i mafai e le fa'apopotoga ona malamaina le va'aiga o lea tulaga. Sa latou lē maitauina le mea manino – o lo'o afio ai le Atua ma tagata – o le moni o lo'o feagai ma latou ae ua tulaga masani tele ua latou lē maitauina ai. O tulaga ale aiga a Keriso ua lauiloa e tagata ole nu'u ma ua latou manatu ona o se tasi o le nu'u e leai se mea ua mafai ona ia ofoina mai. E le gata i lea, o ia o se tasi o latou. O lē sili ona agaleaga – ua latou iloaina lelei o ia ua lē maitauina ai le lima o le Atua i o latou li'o.

O le olaga i le tele o auala, o lona uiga o le sa'ilia lea o le Atua ae o le tele o tatou ua o atu ma sa'ili mo ia i mauga mamao tele atu ma nofoaga e le'i mailoaina. Tatou te fa'agaloina le mea moni, o le Atua e gaioi i auala fa'amisitelio, ma e masalomia o lo'o fa'atasi ma latou ua tatou fa'apelepeleina ma le latalata mai, ma o lo'o i o tatou tuā'oi. O lo'o i ai le Atua i mea masani o le olaga ma o lo'o va'aia so'o ai ae tatou te lē iloaina. E lē o vava'eseina mai o ia ma le laolalgi, fa'apea fo'i e lē o tumau pe pulea e se sauniga fa'alelotu po o se Gagana. Ua tatou feiloa'i atu iā te ia i tagata uma, nofoaga ma taimi ua sau iā i tatou. O le fa'afitauli mo tatou, ona ua latalata le tasi i le isi, ua na o fa'aletonu ua tatou va'aia ma fai ma masani le aveina o mealofa o le agalelei ua iā i tatou uma. Ua avea i tatou ma fa'apopotoga o le au faitio ma le au tomumu pe a tatou tu'uina atu i tatou lava e fa'atauasoina e le loto leaga ma le fa'aitu'au. A tatou tu'uina se taufa'aleaga po o se fa'auigaina o le gaiioiga agalelei a se tuā'oi o le a tatou lē misia le avanoa e faia ai se manatu.

O lenei evagelia ua talosagaina i tatou ina ia fai atu le fa'afetai ma avatu le mamalu ma le fa'aeaea i perofeta o le agalelei ale Atua o lo'o i o tatou li'o. O le mea lea o ni fa'aaliga o le asō mo le tagata ua e fa'aipoipo atu i ai, se upu o le vivi'i mo le tama'ita'i e tapenaina le mea'ai, mo lē ua totogi mai ana galuega, mo le tuā'oi e talanoa ma 'oe i luga mai o le pa tuā'oi ma fa'auō ua tu'uina atu le taimi, lagolagosua ma le fa'amafanafanaga i le taimi o fa'anoanoaga. Ia 'aua ne'i o tatou ave fuaina le afio ai o le Atua ia i tatou o se molimau o le agalelei ua fa'aalia e aiga ma uō.

## Aso Sa Sefululima o le Tausaga

O lo'o i ai se mea ua matagofie e uiga i le faitauga mai le evagelia i le auina atu o ali'i masani e to'asefululua i se a'oa'oga pu'upu'u, e tala'i le fe'au a le Upu a le Atua, sa latou lē malamalama atoatoa i ai. Sa tu'uina atu i ai ina ia faia se olaga fa'atauva'a, ia avea o ni matitiva e pei o ia sa matitiva ma 'aua le popole tele i uiga o mana'oga fa'aletino, fa'apea ia 'aua ne'i popole pe afai o la latou fe'au e lē taliaina e faitoto'a uma. E le'i fa'ate'ia o la latou tala'iga na matuā alu lelei. O le mea lilo o a latou fua lelei na maua mai sa latou penefiti mai i fa'ata'ita'iga ola a Iesu ma taimi na fa'aalu fa'atasi ma ia.

O le auina atu o aposetolo e to'asefululua o le amataga lea o le misiona a le ekalesia i le lalolagi. Mai seneturi sa fa'apea fo'i le auala sa vala'auina ai tagata e to'atele, ina ia maua mai agaga mo Keriso ma fa'apopototo i latou i lana ekalesia. Afai o le Upu a le Atua e 'a'apa atu i tagata uma o tagata uma ua fa'alogoaina e tatau ona fa'ailoa atu. O le Tala Lelei o le fa'aolataga e le'i fuafuaina ina ia puipuia ma le loto leaga ae ia fa'asalalau ma tu'uina atu i tagata. O kerisiano uma ua papatisoina ua vala'auina ina ia fa'ataunu'u lenei galuega o le tala'iina o le evagelia. O le fe'au o le fa'aolataga ua ofoina atu i tagata uma ae e lē fa'amalosi i se tagata, ona o le filifiliga fai to'atasi a le tagata e taliaina pe te'ea le vala'au a le Atua. O le asō ua iā i tatou le fa'aeaina e tali atu ai i le vala'au a Keriso ina ia ave ma tagata e fua mai ai le Tala Lelei ale Atua. O le avea ma 'au'auna ale Atua i se sosaiete o le manatu fa'apito o se vaega o le faiga fa'avae, o se fa'atonuga maualuga tele lea. O lenei vala'aulia i se olaga fa'apa'iaina tele o se lu'itau ma mana'oga ina ia tatou maua se loto alofa. E to'atele tatou o le a maua i se fa'alogo'aga ua leai ma se mea e mafai ona tatou toe ofoina atu ina ia fa'alauteleina ai lona malō. E ao ona manatua e mātua o se tasi o folafolaga aogā a le evagelia e mafai ona fa'atinoina e aunoa ma le la'asia o fasitepu o a latou fale: i le fa'afaileleina o a latou fanau i le fa'atuatua ma tausisi i tulaga fa'atāuaina kerisiano i o latou aiga. O lenei galuega e mafai ona faia e aiga uma, ma e

## Aso Sa Sefululima o le Tausaga

leai se mamafa o na taumafaiga.

O le isi auala aogā o le folafolaina o le evagelia o le faia lea e le molimau lē leoa o se olaga fa'atauva'a. O le to'atele o tatou ua gaogaosā o tatou loto ma mafaufau i lelei fa'alalolagi nei, ua taofiofi mai ai tatou i le 'au atu i mea ua sili le taūa i le olaga. O le tele o mea ua tatou mauaina i lenei olaga ua lē fa'aogaina ma ma'imaui. Ua galo iā i tatou na o le pau le ato pa'u tatou te aveina pe a tatou tu'ua lenei lalolagi o le alofa. O le galuega a Keriso ua mana'o i le tautinoga atoatoa i mea itiiti ua faia i aso ta'itasi. Ua ia mana'o iā i tatou uma ina ia aveia ma vaega o lana misiona fa'aola. O tatou o ona lima i galuega ua tatou faia, o lona laulaufaiva i upu ua tatou tautala ai, ma ona vae i nofoaga ma tagata ua tatou asiasi i ai.

## Aso Sa Sefuluono o le Tausaga

O nisi o fa'atusa anamua kerisiano o lo'o valiina i puipui a le āna i Roma o Keriso o se leoleo mamoe talavou e leai se 'ava, amoina se tama'i mamoe i ona tau'au. O lenei sini mai kerisiano anamua ua fa'amatalaina e le evagelia o le asō ina ua alofa Iesu i le motu o tagata ua pei o ni mamoe ua leai se leoleo mamoe. O le va'aiga o aposetolo ua toe fo'i mai le latou ulua'i poto masasni i galuega fa'amisionare. Ua lēlavavā ma ua mana'omia se malologa. Ua iloaina e Keriso o latou fa'alogo'aga ona ia aveina lea o latou i se nofoaga e leai se pisa e mafai ona malōlō lelei ai ma fa'aalu ni taimi mo faiga tatalo. Ae e le'i lelei lea e pei ona fuafuaina. Na iloaina e le motu o tagata le nofoaga ua latou aga'i atu i ai ma na latou muamua taunu'u i ai. Atonu sa manatu se tasi o le a fai atu i ai Keriso e o i o latou aiga, ua lava mea sa ia faia i lenā aso, e le'i liliu atu lona tua i lea tulaga. O la latou tulaga ua fa'anoanoa ma ua manatu i o latou mana'oga. O tatou uma e mafai ona mauaina mai ai se lesonea mai le uiga o le tatala atu o le loto o Keriso i le fa'amauaina o mana'oga a isi i lo ia lava. Afai ua leai se malologa mo Iesu, o le a leai fo'i se malologa mo latou sa mulimuli atu iā te ia. Ona o le vala'auina fa'avituti o a tatou papatisoga, o tatou uma ua i ai se matafaioi kerisiano ma se aofaiga fa'aleoleo mamoe e fai. I taimi ua foliga mai ua leai se avanoa aemaise le olaga fa'aleaiga. Afai o fanau ua tuputupu a'e e lē lelei le tausiga ma avatu i ai le fa'asinoala e tatau ona uia, o le a leiloa atu i latou ma feoa'i lē tapasāina i lenei olaga ma leai o se mafuaga. O le aveia ma Leoleo Mamoe lelei ua mana'o Keriso iā i tatou o se laina e faigatā a se pisinisi. O le ala ua naunau ai mo tatou ina ia uia o se ala e sa'o ma e vāiti o Poloa'iga e Sefulu. Vaganā ua tatou feso'ota'i pea iā Keriso e ala i tatalo, o le a tatou uia le ala o le savalivali solo ma maua ai nisi o ala ua sili atu le fa'atosiga.

O le evagelia ua tautala mai i le taūa o le sa'ilia o se nofoaga e leai se pisa i o tatou olaga e mafai ona tatou i ai na o tatou ma Keriso i tatalo. E pei o Keriso, e mana'omia ona tatou o 'ese atu i taimi mai le vala'au so'o o tatou ma omiga ua sau iā i tatou e fa'alogoina i le leo o le Atua ma fa'afou i tatou lava fa'aleagaga. O le leo o le Atua ua fa'alogoina lelei i taimi o le mālū ma le leai o se pisa. Pe ana tatou tu'uina atu iā Iesu e faia lona nofoaga i o tatou loto, o i'ina e tatala mai ai iā i tatou le mana ma le malosia ale Atua e fesoasāoni iā i tatou i o tatou olaga. Tatalo lē leoa ma le Atua o se tasi o mana'oga sili. Ta'ito'atasi i lona afio ai, e tatau ona fesiligia i tatou lava po o fea o tatou aga'i i ai ma o a mea o lo'o tatou taumafai e ausia. A tatou lē faia se avanoa mo le Atua i o tatou olaga, ua tatou fa'amaumauina o tatou taimi ma e lē o va'ai i tua atu o tatou gaioiga i taimi nei. O tatou olaga atoa e pa'ia ae o le a tatou lē malamalama i lenei vaganā ua tatou taliaina le vala'au alofa a lo tatou Ali'i ina ia alu'ese mai ma malolō mo se taimi.

## Aso Sa Sefulufitu o le Tausaga

O le motu o tagata ua o mai se ala mamao e fa'alogologo iā Iesu ma o lenei ua latou i ai i se nofoaga e pei o se toafa e leai ni mea'ai ma ua fa'alogoina le galala. I lona agaalofoa, sa fesili atu Iesu e uiga i mea'ai o maua i lenā taimi ma iloaina ai ua na pau mea o lo'o i ai na o le lima pāpāfalaoa ma i'a e lua o lo'o i se tamaitiiti. E faogife lava ona tatou va'aia le fa'ate'ia o lenei tamaitiiti ina ua fai atu i ai e tu'uina atu mea uma o lo'o iā te ia. Ae ui i lea, o ana galuega ua tauia lelei ina ua va'aia Iesu o fafagaina le motu o tagata i mea'ai sa ia avatua. E ala i le paoa ma tatalo ale Ali'i, o le lē mafai ua aveia ma mafai. O mea na avatu iā Iesu o se faigataulaga ua toe avatu iā te ia ua suia. O le motu o tagata ua fafagaina, fa'ailoaina ai o Iesu sa sau e avatu le ola i tagata uma.

E tasi le fe'au e teuina i o tatou loto mai le vavega o le fafagaina o le motu o tagata o le taūa o le fa'asoa o mea ua tatou maua ma i latou e lē tu lelei, aemaise i latou o lo'o fia'a'ai. Ua talosaga mai le

## Aso Sa Sefulufitu o le Tausaga

Ali'i iā i tatou ina ia avatu o tatou lava ma a tatou puna'oa ma le alofa iā te ia, tu'uina atu mea ua tatou maua mo ana fa'asoa. E lē to'atele i tatou ua maua i le tigā o le galala moni ua pogisā ai le mafaufau ma fa'amalosia ai se ali'i fa'amaoni e avea ma gaioi. O la tatou fa'afitauli ua tele a tatou mea'ai. O le tu'inaanau i le manatu fa'apito ua malosi i le to'atele o tatou. O le tele o mea ua tatou maua o le tele fo'i lea o le mana'o. O lo'o lava mea'ai i le lalolagi mo le mana'omia o tagata uma ae e lē lava mo le mana'o tele a tagata.

O le motu o tagata ua fia 'a'ai o lo'o fa'atasi pea ma i tatou, tagi atu mo mea tatau o le olaga. O le telē a'ia'i o le fa'afitauli o le a tatou manatu ai po o a mea e tatau ona tatou ofoina atu. E pei o le aposetolo o Anitele'a, ua tatou fa'apea atu ai; 'e 'ai i latou e to'atele?' E mafai ona tatou aumaia le fa'aosofiaga mai le agalelei o le tamaitiiti. E le'i fa'ate'aina i tua e le Ali'i lana ofo, ma na te lē fa'ate'aina 'ese fo'i ma tatou. O le fa'aogaina o a tatou taumafaiga itiiti ua filifili ai le Atua e aumaia ana vavega tetele lava. O la tatou pāpāfalaoa ma i'a atonu e itiiti le aofa'i ua tatou tu'uina i autafa o se aiga i Fagafulu uma mo le au matitiva a le Lalolagi Lona Tolu. I lona i ai na o ia, o le fa'asoa e maitauina e lē taūa ae o le fa'ateleina i se palisi po o se fa'apotopotoga mo tagata e mafai ona va'aia o se vavega itiiti.

I le evagelia, ua tatou fa'alogo ai nei ua ave e Iesu ni papafalaoa ma avatu le fa'afetai i lona Tamā. Fa'afetai mo mea ua tatou maua, e mafai ona avea ma se amataga. O aso ta'itasi ua tatou ola ai i lenei lalolagi o se vavega a le tausiga mamana a le Atua, ua sili atu i lo le fafagaina o le motu o tagata, ae ona ua tuputupu so'o ua tatou lē manatu lava i ai. O lenei tala e tatau ona una'ia i tatou e mafaufau i le uiga o le fa'afetai i le Atua e lē gata iā tatou mea'ai ae mo le tele o fa'amanuiaga ma lelei ua sau iā i tatou ma ua tatou aveaina ma le leai o se manatu tele i ai.

## O Fa'amanuiaga

5

### O le Fa'amanuiaga ale Toto a Keriso –

“Ia tatou avatu o tatou mata i le toto a Keriso ma malamlama i le tāua o lenā i lona Tamā, ona, na sasa'a mai mo lo tatou fa'aolataga, ua aumai ai i le lalolagi atoa le kalasia o le salamō” (Sagato Kelemete a Roma).

O Iulai o le masina e masani ona fa'apa'iaina i le Toto a Keriso ua sili lona Taūa. O se fa'amanuiaga fa'apitoa lenei e fa'amamalu ai le toto a Keriso, na fa'aigoaina e Sagato Tomasai o Aquinas “o le ki i 'oa o le lagi”.

### O Le Via Sanguinis – Tulafono o le Toto

“O le *Via Sanguinis* o se ituaiga fa'alelotu ua fa'a'au i tapua'iga, ua fa'atinoina e le tele o fa'apotopotoga Kerisiano o a latou tupuaiga tu ma āga ma a'a fa'aleaganu'u o Aferika. I lenei tapua'iga, o le au fa'atuatua ua polesesio mai lea nofoaga aga'i atu i isi nofoaga, e pei i le *Via Crucis* (Ala o le Koluse), ua toe fa'aola mai ai taimi 'ese'ese na fa'amasa'a ai e Keriso lona toto mo lo tatou fa'aolataga.

## O LE ULUA'I SEKASIO

### O le Peritomeina o Iesu, Upu ale Atua

Ina ua taunu'u le aso valu ma le tamaitiiti ua tatau ona peritomeina, sa latou avatu iā te ia le igoa Iesu, le igoa na tu'uina atu iai e le agelu ae le'i fanau mai (Luka 2: 21)

### Tomanatuga

O le peritomeina o Iesu o le ulua'i taimi lea na va'aia ai e le lalolagi le toto a Keriso – le ulua'i taimi na fa'amasa'a ai e Iesu lona toto mo tatou. I le peritomeina, fai mai Sagato Tomasi Aquinas, na fa'aali e Keriso le moni o lona tino tagata: ua tafe toto e pei o tatou. O le Tusi i Eperu ua fa'apea mai *a o Keriso ua maliu mai, o le ositaulaga sili...ua ia ui ane i le fale fetāfa'i sili...o lona lava ia toto, ua na maua le togiola fa'avavau mo tatou. O le toto o povi po'a, ma 'oti...ua na maua le togiola fa'avavau mo i tatou... e lē sili 'ea ona fa'amamaina o outou loto fuatiaifo, i le toto o Keriso (Eperu 9: 11 – 14). O le peritomeina*

## O Fa'amanuiaga

o le Ali'i ua fa'aailoga ai lona aga'i atu i le malumalu le nofoaga na fa'aoga ai se mea ma'ai i le tino o Keriso e fa'aalia ai le toto ia fa'apa'iaina ai i tatou.

Toto o Keriso, o le tau a lo tatou fa'aolataga, Lavea'i i matou!

### O LE SEKASIO LONA LUA O Le Taumafataga Mulimuli

Ua tago fo'i o ia i le ipu, ua fa'afetai, ona avatu ai lea e ia ia te i latou, ua fa'apea atu, "Inā inu ia outou uma i ai, auā o lo'u toto lenei o le toto o le feagaiga fou, ua fa'amaligiina mo tagata e to'atele e fa'amagalolo ai agasala" (Mataio 26: 27 – 28).

#### Tomanatuga

I le fa'ai'uga o la latou Ulua'i Komunio, atonu o le au Aposetolo sa folafola atu, *O le ipu o le fa'afetai o tatou o fa'afetai ai, e lē o le 'auai fa'atasi 'ea lea ma le toto o Keriso? O le areto tatou te tofitofi ai, e lē o le 'auai fa'atasi 'ea lea ma le tino o Keriso?* (1 Korinito 10: 16). O le faigataulaga ale Toto Taūa a Keriso i le Eukalisitia na tu'uina atu ai i ona so'o se auala fou mata'utia e va'ai ai i mea moni. O se mea muamua e le'i mafaufauina o lenei ua na o le pau lea e mafaufauina: o le toto a Keriso na sasa'a atu o se mea e inuina. O le tino a Iesu lava ia o se lu'itau a le Feagaiga Fou o lo'o i ai se mea e tatau ona fa'amaligiina mo a tatou fa'amagaloga. "O le toto na tafe mai le tino fa'akoluseina a Iesu ua pau le mea inu ua mafaia ona toe fa'afō'ia maia le ola i ana au fasioti tagata" (Dominique Barthelemy).

Toto a Keriso, le tau o la tatou fa'aolataga, *R/Lavea'i* i matou!

### SEKASIO LONA TOLU

#### O Puapuagā i le Togala'au i Ketesemane

6

Na tatalo Iesu ua fa'apea atu, "Lo'u Tamā e, a e finagalo i ai, ia e ave'ese lenei ipu ia te a'u, ae 'aua le faia lo'u loto, a o lou finagalo" ...Ua puapuagā o ia, ua atili ai lana tatalo; o lona afu fo'i ua pei o 'alu'alu toto ua pa'ū ifo i le 'ele'ele (Luka 22: 41 – 42, 44).

#### Tomanatuga

"O le galuega tonu a le filemū o le feso'ota'i atu i le Atua i latou na vavae'eseina mai le lalolagi" (Sagato Leo le Silisili). Fai mai sagato Paulo na faia e Keriso le filemū *i le toto o lona koluse* (Kolose 1: 20). I le togāla'au i Ketesemane, na va'aia ai le āfu a Keriso e pei o le toto, ua fa'amaoni tele i lana filifiliga ina ia feso'ota'i atu i le Atua. "Ua na o le filemū ua maua mai ai le sa'olotoga ua mafai e o tatou agava'a ua sili lona tamali'i e mafai ona galue tauola ai...Filemū ua tosiga ai le tagata i ona tulaga maualuga ma maua ai le malosi e lagolagoina ai o ia i le a'e aga'i i luga (Patele Servais Theodore Pinckaers). O se filemū fa'apenei ua talafeagai lelei mo i tatou *ona sa togiolaina ai i tatou...i le toto taūa a Keriso* (1 Peteru 1: 18 - 19). O le toto ua fa'atasi ma le filemū moni ua fa'amaonia la tatou mafua'aga. *Ua tatou sa'oloto e ulu atu i le mea e sili ona pa'ia ona o le toto o Iesu* (Eperu 19: 1 – 2).

Toto a Keriso, o le tau a lo tatou fa'aolataga, *R/Lavea'i* i matou!

### O LE SEKASIO LONA FA

#### O Le Sasaina ma le Fa'apaleina i le pale Tuitui

*Ona 'ave lea e Pilato ia Iesu, ua sasa fo'i ia te ia. Ua ta'ata'ai fo'i e fitafita o la'au tuitui, ua fai ai le pale, ua fa'ae'e i lona ulu* (Ioane 19: 1 – 2).

#### Tomanatuga

O le Tusi i Eperu o lo'o ta'u mai ai, *Ua outou lē tete'e atu e o'o i le fa'asasa'aina o outou toto i lo outou tete'e atu i le agasala* (Eperu 12: 4). O le fa'aailoga o le tautinoga atoatoa o le toto maligi. Tatou te lē masalomia le alofa a se tasi mo tatou pe afai o lenā tagata ua malie e fa'amaligi lona toto mo tatou. Ana lē sasaina ma fa'apaleina le Ali'i i pale tuitui, atonu tatou te masalosalo pea i le loloto o le alofa a Keriso mo tatou. Na talia e Iesu lona fa'asauaina ma ona tafe toto ona ua ave ai le alofa i le muta'aga, ave'eina uma ai o tatou masalosalo. O lenei ala o le toto, ma mautiona ua fa'aosoina ai, ua ave ma mamalu ale au

## SEKASIO LONAF—FA’AAUUAU

maletile: *A ua latou manumalō iā te ia ona o le toto o le Tama’i Mamoe, ma le upu a la latou mau, ua latou lē fa’apelepeleina fo’i lo latou ola ua o’o i le oti (Fa’aaliga 12: 11).*

Toto o Keriso, le tau a lo tatou fa’aolataga, *R/Lavea’i* i matou!

### SEKASIO LONALIMA

#### O le amoina o le Koluse

*Ua alu ane le tasi tagata, o Simona le Kurene, na sau mai le vao, o le tamā fo’i o ia o Alesana ma Rufo, ona latou fa’atauanau lea iā te ia, ina ia ave e ia o lona satauro (Mareko 15: 21).*

#### Tomanatuga

O le fa’atinoina o le amoina o le koluse na aumai moni ai le toto o Keriso i luma o isi. O le latalata o le toto a Keriso ua toe aumai ai le vālatalata: *A o ona po nei, ona o Keriso Iesu, o outou sa vāvā mamao ana-mua ua fa’alatalataina mai ai i le toto o Keriso (Efeso 2: 13).* O taimi uma na pa’ū ai Iesu na toe fa’afouina ai o tatou mafaufau i le ‘a’afiaga mālepelepe a le Pa’ū a Atamu, na tatou alaga atu ai mo le alofa ale Atua sa fa’amaumauina i Etena. “O le toto a Keriso fa’akoluseina na toe aumai ai i olaga ale au agasala lona taunu’uga moni {ma} toe tatala ai punavai o lenā olaga. O le toto a Keriso ua sau i tagata ina ia toe tatala ai mo i latou le vai puna o le ola foa’i. E ala i le komunio i lenei toto, o se tagata fou ua toe mauaina lenei ola i le alofa o le tagata tuai na fa’aleagaina e lana ia agasala (Dominique Barthelem).

Toto a Keriso, o le tau a lo tatou fa’aolataga, *R/Lavea’i* i matou!

### SEKASIO LONA ONO

#### O le Fa’akoluseina

*Ua latou fa’asatauroina o ia, ona latou tufatufa lea i ona ofu, ma fai ai le vili, e iloa ai le mea a le tagata. O le aoauli na latou fa’asatauro ai iā te ia (Mareko 15: 24 – 25).*

7

#### O Le Fa’akoluseina

O āta pa’ia mai tausaga ua tuana’i sa fa’aalia ai agelu ma kalise o aga’i atu i le koluse e talitali le Toto Pa’ia a le Keriso fa’akoluseina – o se gaioiga ua fa’ailoa mai ai le taūa o le toto maligi. O se va’aiga fa’apea ua va’aia pe a tatou fa’aaloalo ma le alofa i se koluse. Aiseā? Ua fai mai Iesu iā i tatou *e pei ona si’itia i luga e Mose o le gata i le vao, e ao ina fa’apea ona si’itia i luga o le Atali’i o le tagata (Ioane 3: 14), ona fa’atoa mafai ai lea ona tatou va’ai atu iā te ia na latou tuia (Ioane 19: 37).* Ma e pei o le va’aia o manu’a ua maligi mai ai le toto o lo’o talotalo mai i le Samaria Agalelei e fa’alatalata atu, i le fa’atusatusa i le ali’i na sauaina i le ala (Luka 10: 34), sa fa’apea le va’aiga o Keriso fa’akoluseina ua aumai ai i fafo le mea ua sili le fa’aletagata. Ona o manua’aga a Keriso ua fa’amagaloina ai i tatou (1 Peteru 2: 24) – i le fa’asaoina mai a tatou agasala ma faia i tatou o ni tagata e ala i le tagata a Keriso.

Le Toto a Keriso, le tau a lo tatou fa’aolataga, *R/Lavea’i* i matou!

### SEKASIO LONA FITU

#### O Le Tuia o le itū a Keriso

Le tasi tagata tau ua tutu’i lona itū a Iesu i le tao, ona sisina loa mai lea o le toto ma le vai (Ioane 19: 34)

#### Tomanatuga

*Ina ua toetu Iesu mai le oti, sa ia fa’aali i ona so’o o ona lima ma lona itū (Ioane 20: 20).* O le tuia o Keriso, o lona toto, o se mea sa fuafuaina tatou te va’aia, ina ia tatou fa’alogoina, ma le toto e sausau ai a Iesu, *o lo’o tala mai i mea e sili ona lelei i lo le toto o Apelu (Eperu 12: 24).* “O Iesu, ina ua maliu, ua le mafai ona toe tautala mai, ae o lona fatu o lo’o mafai ona maligi mai ai le toto... O lenei manu’a matala i le fatu a Iesu o se matala mamana ua fa’ailoa mai ai le loloto o le alofa ale Atua, ua tu’uina mai iā i tatou, ua fa’amatalaina o se moni mo tatou” “O le loto a le tagata ua fa’aalia maia le vanu loloto o le alofa ale Atua, ua tu’uina mai iā i tatou, ua fa’amatalaina ai lenei o se moni mo i tatou” (CCC 1432; cf. Ioane 19: 37). Ua tatou mulimulita’i le ala o le toto ua ta’ita’ia i tatou i la tatou taunu’uga.



8







The Metropolitan Cathedral of the Sacred Heart reopened. There is ongoing work between now and December 2024 to complete the entire restrengthening and restoration. Money is still required to complete work on the outside western face of the Cathedral, the Blessed Sacrament chapel and various other small areas in need of attention. Fundraising is continuing to raise \$670,000 to complete this work.

**Sunday 14 July**  
Day of Prayer for Seafarers.

**Saturday 20 July**  
COME AND SEE Vocations Morning for young men discerning priesthood will be held at Viard House on Saturday 20th July, starting with 8:30am Mass at Sacred Heart Cathedral. Archbishop Paul and Fr Patrick will host this event. To register email [l.hensel@wn.catholic.org.nz](mailto:l.hensel@wn.catholic.org.nz).

**Sunday 28 July**  
World Day of Prayer for Grandparents and the Elderly.

**Monday 12 August**  
Seasons for Growth Companion training. If you work in social work, schools or in the community you might want to become a Seasons for Growth companion. This professional development training enables educators and professionals to facilitate the Seasons for Growth seminar and/or small groups within their communities which focuses on supporting people through grief. Cost \$300 plus resources. Email Jess at [seasons@wn.catholic.org.nz](mailto:seasons@wn.catholic.org.nz).

10

**Thursday 15 August**  
Patronal Feast Day for New Zealand.

**Saturday 17 August**  
Liturgy Workshops #3 – The Sunday Eucharist: Liturgy of the Eucharist. 10am – 12pm, St Joseph’s Mt Victoria. These workshops are for anyone interested in liturgy and presented by Fr Patrick Bridgman, Liturgy Advisor for the Archdiocese.

**Friday 30 August – Sunday 1 September**  
Life Teen Leadership Convention. Life Teen Aotearoa is partnering with the Wellington Archdiocese to run the Life Teen Leadership Convention for those serving in youth ministry with young people. <https://lifeteen.nz/convention>

**Sunday 1 September**  
Day of Prayer for Care and Creation

**Sunday 8 and 15 September**  
‘Love is a Decision’ – marriage preparation programme. Archdiocesan course for engaged couples planning their weddings. Location in Wellington region to be confirmed. Contact [marriage@wn.catholic.org.nz](mailto:marriage@wn.catholic.org.nz).



**COME AND SEE**

Called to serve [wellingtonpriests.org](http://wellingtonpriests.org)

**VOCATIONS MORNING**  
WITH ARCHBISHOP PAUL MARTIN & FR PATRICK BRIDGMAN

**SATURDAY 20 JULY 2024**

SACRED HEART CATHEDRAL PARISH  
HILL STREET, THORNDON

**COME AND BE INSPIRED!**

SPEND A MORNING WITH LIKE-MINDED YOUNG MEN. | GROW YOUR FAITH THROUGH INPUT AND REFLECTION. | FIND OUT MORE ABOUT THE VOCATION TO THE PRIESTHOOD



**LIFE TEEN AOTEAROA LEADERSHIP CONVENTION**

SACRED HEART COLLEGE, LOWER HUTT WELLINGTON

30 AUGUST - 1 SEPTEMBER 2024

LIFE TEEN AOTEAROA  
Archdiocese of Wellington



MARRIAGE PREPARATION

**LOVE IS A DECISION**

NEXT COURSE

8 & 15 SEPTEMBER 2024, WELLINGTON



## O Le ALI'I o le FEAGAIGA

**O Le Atua e fa'amaoni pea i ona tagata.** O le a sou manatu pe a e fa'alogo i le upu "feagaiga"? E fa'alogoina le fa'alelotu, a 'ea? Atonu o se faiga – tuai fo'i. Ae i le moni, o feagaiga o ni vaega o le olaga i aso ta'itasi. A fa'aipoipo se ulugali'i ma faia a la'ua tautōga, ua la'ua faia se feagaiga le tasi ma le isi. Ua malilie e ola fa'atasi i le alofa ma le felagolagoma'i o le tasi i le isi. O aiga e masani ona gaiioi i feagaiga e lē tautalagia – maliliega pe fa'apefea i matua ma fanau ona feagai atu le tasi i le isi ma a latou matafaioi i isi. I se auala tutusa, o ta'alogā fa'aporofesa ua faia ni feagaiga ma a latou tagata tā'a'alo. Ua latou fa'amanino atu i tagata ta'itasi o le 'au pe fa'apefea ona fa'atino lana ia matafaioi mo le 'au, e o'o lava i le latou ta'utinoga e totagi tagata ta'aalo se aofaiga ua malilie i ai.

O feagaiga ua i ai ma i tatou mo le afe o tausaga. I taimi o le Feagaiga Tuai, e feagai ni aiga po o ni ituai-ga se lua i se leai o se maliliega sauā, e masani ona latou fa'atalanoaina se fa'aleleiga ma o atu i se feagai-ga o le a aumai manino ai tu'utu'uga mo se maliliega. I nisi o mataupu, o se atunu'u vaivai o le a alu atu i se atunu'u e malosi tele ma avatu so latou manatu e latou te malilie i se feagaiga fai fa'atasi. O le atunu'u malosi o le a folafolaina e puipuia ma faia ni pisinisi ma le atunu'u vaivai i se maliliega mo le atunu'u vaivai ina ia faia se so'otaga ma fili a le atunu malosi. E le afaina pe malosi pe vaivai latou ua 'au ai, e lē afaina le telē po o le itiiti o siteki, e tasi lava le mea e tumau: O se feagaiga ua fuafuaina o se maliliega e pa'ia e lē tatau ona fa'aleaogaina. O itu uma e lua ua saisaitia ina ia tausisi iā latou vaega o le maliliega po le feagai atu i se taunu'uga ogaoga, e mai le Atua ma mai le vaega ua a'afia.

**Apera'amo – O se Feagaiga o le Kalasia Mamā.** Se'i manatu ifo i le taūa ma le masani – o feagaiga inā taimi, e lē fa'ate'ia o tagata Isaraelu sa va'aia la latou va feagai ai ma le Atua o se feagaiga. Mai le taimi ina ua vala'au e le Atua Apera'amo e mulimuli atu iā te ia i le Nu'u Folafolaina, sa manino lelei sa mana'o le Atua e fausia se va feagai ai latalata ma ona tagata. Sa ia mana'o e tu'ufa'atasia i latou, puipui iā i latou ma tausisi i latou o ona ia lava tagata ina ia va'aia e le lalolagi atoa lona alofa ma lona fa'atuatua.

E pei o isi feagaiga o le taimi, o le feagaiga ale Atua o se ituai-ga ua ulu atu le patī malosi i se feagaiga ma le patī vaivai. O le Atua, le patī malosi ua ulufale atu i se feagaiga ma se patī vaivai. O le Atua, le patī malosi, ua talia Isaraelu, le patī vaivai, ma malie e avatu iā i latou le alofa ma le puipuiga. I le latou vaega, o tagata Isaraelu na malilie e 'aia ne'i mulimulita'i i ala a le au fa'apaupau sa si'osi'omia ai i latou ma aua ne'i ifo i atua pepelo.

Ae e pei o feagaiga ale Atua i nisi o nei feagaiga, sa i ai le ki autū o le 'ese'esega: O le feagaiga ale Atua ma Isaraelu o se gaiioiga o le kalasia mamā. Sa ia 'a'apa mai le lagi ma fa'aalia o ia lava i se tagata fealu-a'i e igoa ia Apera'amo. Sa ia vala'auina Apera'amo e mulimuli atu iā te ia ma folafola atu afai na te faia lea, o le a fa'apa'iaina i tua atu o ona manatu. O le a fa'amanuiaina o ia i se fanau – o suli e anoanoa'i e pei o fetū o le lagi. O ona suli o le a avea ma nu'u iā i latou lava. Ma mulimuli lava, o lenei nu'u o le a avea ma fa'amanuiaga i le lalolagi atoa, o se auala o le kalasia ale Atua, fa'atuatua, ma le puipuiga o tagata uma o le lalolagi e liliu atu iā te ia.

O nei mea uma na sau mai fuafuaga ale Atua. E le'i sa'ili Apera'amo mo se puipuiga mamana. E le'i mana'o fo'i i se tasi e fa'apa'iaina o ia pe fesoasani iā te ia. O le Atua na ona 'a'apa atu mai le lagi ma faia le feagaiga ma ia. Pau le mea a Apera'amo na faia o le talitonu i folafolaga ale Atua ma taumafai lona lelei e mulimulita'i i ala ale Atua.

**Mose – O se Vala'au Fou ma se Fa'asinomaga Fou.** O Apera'amo ua na o se amataga. Mai lea tausaga i lea tausaga, sa fa'aalia e le Atua lona fa'atuatua i le manatuaina o lana feagaiga ma ona tagata ma faia lea ua sili atu le agaglelei ma sili atu le aofia ai. I le tele o seneturi mulimuli mai ia Apera'amo, a o feagai pea tagata Isaraelu ma le pologa i Aikupito, na toe a'apa atu le Atua i ona tagata ma fa'asa'olotoina i latou. Na ala atu ia Mose, sa ia ta'ita'ia i latou e ala atu i le Sami Mūmū ma aga'i atu i le toafa le nofoaga sa ia toe ofoina atu ia i latou le feagaiga.

O le taimi lenei, o le feagaiga ua lautele toe loloto. Ua lautele ona ua fa'aailoga ai le fa'avae o Isaraelu o se atunu'u tuma'oti ma uiga 'ese. O tagata ua lē na o suli a Apera'amo. Ae o le mea moni lava, ae le'i faia e le Atua lana feagaiga ma tagata, sa ia ta'u atu iā i latou: *Na outou va'ai atu i mea na 'ou faia i Aikupito, na 'ou 'ava'e iā te outou i luga o 'apa'au o aeto, na 'ou aumai fo'i iā te outou iā te a'u nei. O lenei fo'i afai tou te matuā fa'alogā mai i lo'u leo ma tausisi i la'u feagaiga, ona fai lea outou ma oloa tāua mo'u, e sili i nu'u uma; auā o lo'u lava le lalolagi uma. E fai fo'i outou ma malō o ositaulaga, ma nu'u pa'ia mo a'u; o upu ia e te tautala atu ai i le fānauga a Isaraelu* (Esoto 19: 4 – 6).

## Faitauga mo le Masina o Iulai 2024

**Aso 7 Iulai Aso Sa Sefulufa Taimi Masani** – Faitauga Muamua – Esekielu 2: 2 – 5. Matua: O le aiga fouvale i latou, latou te iloa sa i ai le perofeta iā te i latou.

Salamo 123: 1 – 2 (tali), 3 – 4 (tali). Tali: Ua va'ai ae o tatou mata i le Ali'i, se'ia alofa mai o ia iā te i latou.

Faitauga lona lua – 2 Korinito 12: 7 – 10. Matua: Ou te mitamita i mea ua ou vaivai ai, ina ia tumau i o'u luga le mana o Keriso.

Aleluia, Aleluia...O a'u nei o le malamalama o le lalolagi; o lē mulimuli mai iā te a'u e iā te ia le malamalama o le ola...Aleluia.

Evagelia – Mareko 6: 1 – 6. Matua: E leai se perofeta e lē mamalu, na o lona lava nu'u e lē mamalu ai.

### *Tofitofiga o le Upu:*

I le evagelia o le asō, ua ta'u maia e Sagato Mareko iā i tatou o lo tatou Ali'i na asiasi atu i lona nu'u o Nasareta. I lenei taimi o lona soifuaga, ua amata lana tala'iga ma fa'apotopoto ni Aposetolo fa'atasi ma ia. Sa tala'i o ia i Kapenauma, o se nu'u pe 20 maila i matū i sasa'e o Nasareta. O le mafua'aga i lona sau i Nasareta e lē o se tafaoga, pe asiasi i aiga ma fa'auō, ae ina ia tala'i le evagelia i tagata Nasareta.

O Nasareta e pei o nu'u uma i Kalilaia, e i ai se sunako. O se tu masani mo tagata o le nu'u e potopoto i'inei i le Sapati po o se fa'amanatuga e fai tatalo ai. O le sauniga tatalo e masani ona amata i le tatalo o le fa'atuatua. Ona mulimuli mai ai lea ma le faitauina o Tusi a le Feagaiga Tuai. O nei faitauga sa masani o le Gagana Aramaia, sa tautatala ai tagata Palesitina i lo le Gagana Eperu anamua, e itiiti lava nisi o latou e malamalama i ai.

Ona mulimuli mai ai lea ma le lauga po o se talanoaga ma le fa'asologa o tapuaiga e sefuluvalu. O tu masani ua fa'atagaina ai so se isi lava e mana'o, po latou o ta'ita'i o le sunako ma manatu e mafai ona latou faia, e mafai ona fa'atinoina faitauga pe faia ni lauga. Fa'atoā mana'omia lava le ositaulaga o lo'o tiute ai i le sunako e faia le fa'amanuiaga mulimuli.

I lenei Sapati fa'apitoa ina ua ulufale lo tatou Ali'i i le sunoka i lana 'a'ai o Nasareta, sa ia tula'i e faitau le Tusi Pa'ia ma avatu se lauga e uiga i faitauga. Ua tatou iloina mai i fa'amatalaga a Sagato Luka lenei mea na tupu aemaise le vaega o le faitauga mai le Tusi Pa'ia na faitauina e Keriso i lenā aso i le sunako. Sa ia faitau mai le mataupu onosefulutasi a le Tusi o Isaia, sa tautala mai i le sau a Iova.

Ona amata lea ona tautala lo tatou Ali'i i tagata o lana ia lava 'a'ai. Sa ia ta'u atu i ai se mea ua sili ona fa'ate'ia. Ua ia fai mai o le asō ua fa'ataunu'u ai le perofetaga sa ia faitauina atu iā i latou. Sa ia fa'aioa atu ma le aogā iā i latou ua ia sau e lavea'i iā i latou, o ia o le Mesia po o le fa'aola sa latou fa'atalitali i ai.

Sa va'aia le fa'ate'ia ma le maofa i tagata sa fa'alologologo ai. Sa lē talitonu o latou taliga. Sa maofa i le atamai a lo tatou Ali'i i le Tusi Pa'ia; sa latou ofo i lona tautala lelei. O fesili ua tuputupu a'e i o latou mafaufau – e lē ole alo lenei a Maria ma Iosefo le kamuta? Sa latou iloina o Iesu e le'i alu lava i se a'oga Iutaia. Sa galue o ia i le fale kamuta a Iosefo. E fa'apefea ona ia iloina lenei anoanoa'i e uiga i le Tusi Pa'ia?

Ae o le maofa na fa'aalia muamua a tagata Nasareta na liliu i le iā ma le lē talitonu. Sa latou maofa i le atamai ma le lelei o le tautala a lo tatou Ali'i. Ae sa latou lē manatu i se mea fa'ape nei mai iā te ia. O ripoti na fa'amaloloina e Keriso ma'i i so'o se mea na alu atu i ai ma na

## Faitauga mo le Masina o Iulai 2024

latou aumai tagata pipili ma ma'i a le nu'u. O lenei ua latou o'le atu ia Keriso ina ia fa'amaloloina i latou. Ae na musu Keriso e faia o lea. Sa fa'amaloloina e Keriso le au mama'i i isi taimi ae ua na o latou sa lagolagoina ana a'oa'oga, i le lagolagosua ale fa'atuatuga a tagata. Ae i Nasareta, i lona nu'u, e le'i tu'uina atu e tagata lo latou fa'atuatuga ia te ia. O le mea lea o na o se fa'asalaga mo lo latou le fa'atuatua, na musu Iesu e faia se vavega tele ma fa'amaloloina ai le au mama'i.

Ae ui i lea, ina ia fa'aioa atu o lo'o ia te ia lava le mana fa'avavega o le fa'amaloloina, sa ia fa'aloaloa ona lima i nisi o latou ma fa'amaloloina ai i latou, ae le o latou uma e pei ona talosagaina e Iutaia. Sa ia fa'asala ia i latou i lenei auala ona o la latou le talitonu. O le au Nasareta, sa feola fa'atasi ma lo tatou Ali'i ma iloaina o ia, sa le mafai ona talitonuina o ia o se perofeta sili, ua ia fa'ataunu'uina le perofetaga a Isaia i o latou li'o. Sa avatu e lo tatou Ali'i se alagaupu tuai:" E leai se perofeta e le mamalu, ua na o lona lava nu'u ma lona aiga ma lona fale e le mamalu ai"

O le asiasiga a Iesu i lona aiga i Nasareta ua i ai se va'aiga fa'apitoa. Ua fa'aioa ai le i'uga o le vaega muamua o lana 'au'aunaga i le Fa'akalilaia. O le a amata se vaega fou o lana 'au'aunaga o le i ai se vaega iloga. O le te'ea o ia e tagata Nasareta ua fa'aioa ai se te'ena a'ia'i muamua sa ia taliaina talu le amataga o lana tala'aiga. Ae o le a i ai ma isi e mulimuli mai ai, tualuga i le motu o tagata i le fale fa'amasino a Pilato ma alaga mo le kovana e fa'asa'olotoina Parapa i lo le Fa'aola. Sa tele nisi te'ega o le evagelia a Keriso talu mai lona taimi. Ia tatou sa'ili se fofō i o tatou olaga tatou te le tu'uina atu o tatou i lona vaega. Ia tatou sa'ili ina ia talia le fe'au a Keriso – o le a tatou teuina i o tatou loto ma gaiioi ai, o le a aumai e lana evagelia se malosola i o tatou olaga. Fa'amanuia mai le Atua.

13

**Aso 14 Iulai Aso Sa Sefululima Taimi Masani** – Faitauga Muamua – Amosa 7: 12 – 15.  
Matua: Le tagata va'ai e, aluia, inā e vavalō i lo'u nu'u o Isaraelu.

Salamo 85: 8 – 9 (tali), 10 – 11 (tali), 12 – 13 (tali). Tali: Le Ali'i e, ia e fa'aioa mai ia te i matou lou alofa; ia e foa'iina mai fo'i ia te i matou le olataga mai ia te oe.

Faitauga lona lua – Efeso 1: 3 – 14. Matua: Na ia filifili mai ia i tatou ona o Keriso, a o le'i fa'avaeina le lalolagi.

Aleluia, Aleluia... O a'u nei o le malamalama o le lalolagi; o le mulimuli mai ia te a'u, e ia te ia le malamalama o le ola... Aleluia.

Evagelia – Mareko 6: 7 – 13. Matua: Ua 'a'au atu e Iesu ia te i latou.

### ***Tofitofiga o le Upu:***

I aso ta'itasi o tatou olaga, ua tatou fa'amoemoe tele ile puipuiga i mea fa'aletino, ua manatu e tatau mo a tatou olaga i aso ta'itasi. Ua maitauina lelei lenei pe a tatou sauniuni mo ni faigamalaga ma taumafai e fuafua po o a mea e ave. E masani lava tatou te ave le anoano, taumafai e mafaufau i nisi tulaga. Se vaega o le mafua'aga o le ova o mea e ave ona tatou te mumusu e alu'ese mai a tatou tu masani.

O le o atu mo ni nai aso e o 'ese mai ai aiga ma fale ae fa'atu ni fale 'ie i se malae po autafa o se vaitafe o nisi ia o fa'ata'ita'iga lelei. O nisi o le a malaga i ta'avale e i ai le 'ea malulū, ma la'au leo tetele, masini fulu ipu ma tv lanu. Ua alu atu i le vao ma mafanafanaga o le fale ale aiga.

Ua fa'amatala e Iesu i le au aposetolo i le Evagelia o le asō mea e tatau ona ave mo le malaga.

## Faitauga mo le Masina o Iulai 2024

E ute fai mai o ia o le ave o le fe'au ta'ua ma fa'agalo le tele – e o'o lava i mea e tatau e pei o mea'ai ma tupe. Ia ola mai le 'ele'ele, ma mauaina ni totogi mai le 'au'auna atu i isi.

E faitau afe i seneturi e tele sa tauavea lana fautuaga ma tu'ua mea fa'aletino ina ia ola mo le Malō o le Atua. Se tasi ua sili le ta'uta'ua mai le seneturi 13 Italia, Faranisisi. Sa ia tia'ia se olaga lelei ma le maualuga mo se olaga fa'atauva'a, ma maua ai le anoanoa'i o le 'oa i le kalasia 'auro ma le alofa mamana. O lenei faiga ua lē na o Kerisiano. O le ta'ita'i Hindu mai le 20 seneturi o Mahatma Gandhi, sa faia fo'i fa'apenei ma mauaina ai le tau'i o le filemū o le mafaufau. O isi, mo mafuaga fa'aletino, sa faia o latou olaga male leai o se popole. A o 'au'auna o se fitafita a le Iuni i le taua, e le'i ave e Grant ni mea fa'aopoopo i lana taumafai-ga ma le talitonuga ia tu'ua le aiga e aunoa ma le anoanoa'i o le au lagolago. O Iesu fo'i o se ali'i mativa lava ia, e masani ona fesoasoani i tagata matitiva ona sa latou fa'atuatuaina o ia. O le au mau'oa e masani ona fa'atuatuaina a latou paoa ma le 'oa.

E pei o le tele o fa'atonuga a le Tusi Pa'ia, o se tasi lenei e tatau ona fuafuaina ma fa'aoga tau. Ae ui i lea e le gata o se lelei ae o se lu'itau ma se fa'alavelave i o tatou olaga sa'oloto, ua mafai ona ave'eseina mai iā i tatou le sa'olotoga ma le gaioiga.

Na fa'apefea i le au aposetolo ona ola ai, i le auala e aunoa ma ni lagolagosua? Sa lelei atoatoa! Sa alualu lelei i aso ta'itasi e pei ona valo'ia e le Ali'i. E leai ma se isi na maliu i le tau, le lē va'aia lelei po le fia'ai. O le mea moni lava sa latou ausia se tulaga maualuga i le latou 'au'aunaga. Ua fai mai le Evagelia sa "latou tuli'eseina temoni, fa'au'u i ma'i ma faia le tele o fa'amaloloina."

14

**Aso 21 Iulai Aso Sa Sefuluono Taimi Masani** – Faitauga Muamua - Ieremia 23: 1 – 6.

Matua: Ou te fa'apopototo i e totoe o la'u lafu mamoe; ou te tofia fo'i mo i latou o leoleo mamoe.

Salamo 23: 1 – 3 (tali), 4 (tali), 5 (tali), 6 (tali). Tali: O le Ali'i, o lo'u leoleo mamoe o ia; e leai se mea ou te mativa ai.

Faitauga lona lua – Efeso 2: 13 – 18. Matua: O ia lava o lo tatou leleiga, ua na faia ia tasi e sa fa'alua.

Aleluia, Aleluia...O a'u mamoe e fa'alogo mai i latou i lo'u leo, ua ou iloa fo'i i latou, ua latou mulimuli mai fo'i iā te a'u...Aleluia.

Evagelia – Mareko 6: 30 – 34. Matua: Ua fa'apei o mamoe i latou e leai so latou leoleo.

### ***Tofitofiga o le Upu:***

O le fa'atusa o le leoleo mamoe i le tusi pa'ia o se vaega masani, ma le to'atele o le a fiafia ma masani i le Salamo o le asō – O le Ali'i o lo'u Leoleo Mamoe. Ae o le va'aia o le leoleo mamoe o se lu'itau lea – fa'apea se fa'amafanafanaga – i le au fa'atuatua. O le faitauga mai ia Ieremia ua si'itia ai le lu'itau i upu muamua 'Oi Talofa i le au leoleo mamoe'. Ua ia fai atu nei upu i ta'ita'i a Isaraelu ua tu'ua la latou vala'au ma mamoe na tu'uina atu i ai le fa'atuatua. O le a i ai tagata ua fa'alogo i nei faitauga i le Misasa sa i ai le poto masani le tigā o le lē amana'ia e le au leoleo mamoe – ma atonu ua sili atu le leaga i lo le tiā'ia. Ma latou uma ua i ai le tausiga fa'alafulemū, ma atonu o le tala'i atu i nei upu, e mana'omia ona lu'itauina ai. O mamoe o le Ali'i e āna, ma o le Ali'i o le a fesiligia i latou na tu'uina atu i ai le tausiga i lona igoa – o le lu'itau lenā ma o se lu'itau e ao ona tauaveina manino. I le taimi lava lea na

## Faitauga mo le Masina o Iulai 2024

fa'amautinoa e le Atua iā Ieremia o lo'o a'afia le Atua i lea fo'i galuega: *Ou te fa'apotopoto fo'i...ou te toe fa'atuina leoleo mamoe...e leai se tasi o le a leiloa*. I se tasi o manatu o ia faitauga mai le evagelia a Mareko ua fa'amausalīina ai lenā fe'au. O lo'o fuafua Iesu e ave ona so'o e ia i se nofoaga tuma'oti, ae o le motu o tagata ua iloaina lenei fuafuaga ma sa taunu'u atu fo'i i latou i ai. Ua fa'amatalaina i latou ua pei oni mamoe e leai se leoleo mamoe, atonu ua i ai o latou mana'oga ae leai sē e ta'ita'ia, ma o le mea lea na manatu ai Iesu e a'oa'oa atu iā i latou. Atonu e to'atele i latou sa fa'alogoina nei upu i lenei aso Sa ua pei o ni mamoe e leai se leoleo mamoe. E aogā le tomanatu pe na fa'apefea i a'oa'oga ona latou mauaina.

### *Ioane Mataupu 6*

O faitauga o le aso Sa ua fa'aogaina se ta'amilosaga mo le tolu tausaga mo evagelia sinopi i taimi masani, ma le evagelia a Ioane ua fa'aogaina i taimi fa'apitoa o vaitau fa'asauniga. Pe pu'upu'u i lo Mataio ma Luka ma e mana'omia ona 'fa'atelē atu' i le vaitau o le ta'amilosaga B – le tausaga a Mareko – ae o le faiga masani i le evagelia ua fa'alavelaveina e le lima vaiaso o mataupu e ono a le evagelia a Ioane. O lenei ua maua ai e le au faitau po lē e lauga le avanoa e asiasi ai i le loloto a le telosia a Ioane e uiga iā Iesu o le falaoa o le ola – ua fa'ailoa mai ai Iesu o le fa'aaliga mautinoa a le Atua fa'apea fo'i ina ia atina'e ai le telosia Fa'aeukalisitia. O le telosia a Ioane ua talatala mālie mai ai le mataupu, ma o le su'esu'eina ua mana'omiaina ona faia fa'apea pe afai o le fa'aaliga atoa e ao ona talisapaia. O se su'esu'ega a'ia'i ma le fa'aeteete o le a maua ai se fa'asoa i le va'aia pe na fa'apefea ona fuafua ma mafaufauina ona fa'aalia e Ioane lona malamalama'aga.

15

**Aso 28 Iulai Aso Sa Sefulufitu Taimi Masani** – Faitauga muamua – 2 Tupu 4: 42 – 44.  
Matua: Latou te 'a'ai, ae totoe lava.

Salamo 145: 10 – 11 (tali), 15 – 16 (tali), 17 – 18 (tali). Tali: Le Ali'i e, o lo'o e fa'amafola lou 'a'ao ma fa'ama'o'ona i matou.

Faitauga lona lua – Efeso 4: 1 – 6. Matua: E tasi le tino, e tasi le Ali'i, e tasi le fa'atuatuaga.

Aleluia, Aleluia...O a'u mamoe e fa'alogo mai i latou i lo'u leo, ua ou iloa fo'i i latou, ua latou mulimuli mai fo'i iā te a'u...Aleluia.

Evagelia – Ioane 6: 1 – 15. Matua: Ua tufatufa i ē ta'o'oto, ua avatu faitalia i latou.

### *Tofitofiga o le Upu:*

O le evagelia o le vaiaso talu ai na fa'ai'u i le nofoaga sa fuafua ai e Mareko e fa'amatala ai le vavega o le fafagaina o le motu o tagata sa mulimuli atu iā Iesu. O latou sa tapenaina Faitauga na aga'i atu i le evagelia a Ioane mo lenā fa'amatalaga, ma ona aumai ai lea iā i tatou le lauga na mulimuli mai ai. I le telosia a Ioane o galuega a Iesu e lē o fa'amatalaina o ni vavega ae o ni fa'ailoga, ma o fa'ailoga e ao ona fa'aliliuina ma malamalamaina ma e fa'apea ona faia e Iesu a Ioane. E masani o le fa'amatalaina e Ioane o mea na tutupu o fuafuaga atoa a Iesu – i le gaoiiga atoa a Iesu o lo'o fuafuaina mea uma o lo'o tutupu. Fa'apea fo'i le masani a Iesu a Ioane o le fa'aupuga 'ua ia iloaina atoatoa le mea o le a ia faia.' Ua ta'u mai ai o gaoiiga a Iesu e lē na o se tali atu fa'afuase'ia i tulaga o mana'omia, ae o se gaoiiga na mafaufauina e a'oa'oa atu ai, le avanoa o le fafagaina ua mauaina ai le avanoa e fa'aleo atu ai le misitelio a Keriso.

O le faitauga pu'upu'u muamua mai le Tusi e Lua a Tupu ua ofoina maia se fa'amatalaga

## Faitauga mo le Masina o Iulai 2024

muamua mo le fafagaina o le to'atele ma le itiiti o puna'oa – ae e ao fo'i ona maitauina e lē ua na o Ioane – ae lē o evagelia sinopi – o lē ua talanoa i le itiiti o falaoa ma faia se feso'ota'iga fa'apitoa i le tala e uiga iā Elisaia. O lo'o i ai fo'i se va'aiga masani o fa'amatalaga nei e lua – o mea'ai e lē lava e fafaga ai le 'au fia'a'ai – ma na matua'i agalelei ona sa lava ma na totoe – o se fa'amanatu o le Atua e anoanoa'i.

O le faitauga mai iā Paulo o se vaega o le lona lua mai ia Efeso ua va'aia so'o i lo le tele; o lana fe'au e ui i lea, e aogā ai le fa'alogologo pea i ai.

## Faitauga mo le Aso Sa muamua o Setema – 2024

**Aso 4 Aukuso Aso Sa Sefuluvalu Taimi Masani** – Faitauga Muamua – Esoto 16: 2 – 4, 12 – 15. Matua: Ou te fa'atotoina ifo le mea e 'ai mai le lagi mā outou.

Salamo 78: 3 – 4, (tali) 23 – 24, (tali), 25, 54(tali). Tali: Na avatua e le Ali'i iā te i latou o mea e 'ai mai le lagi.

Faitauga lona lua – Efeso 4: 17, 20 – 24. Matua: Ia 'o'ofu o outou i le tagata fou ua faia e foliga i le Atua.

Aleluia, Aleluia...O a'u nei le ala, ma le upu moni, ma le ola; e lē alu atu lava se tasi i le Tamā, pe a le ui mai iā te a'u...Aleluia.

Evagelia – Ioane 6: 24 – 35. Matua: O lē sau iā te a'u, e lē fia 'ai lava ia; o lē fa'atuatua fo'i iā te a'u, e lē toe fia inu lava ia.

16



Mikaele Teofilo:



021 0818 5037